

《佛說阿彌陀經要解》 補充講表

◎附表十九：糅合《彌陀經要解講義》、《彌陀經要解親聞記》、《阿彌陀經要釋》

○心性照而常寂，故為壽命。今徹證心性無量之體，故壽命無量也。

※《印光大師菁華錄》云：「寂即是體，照即是體之相狀與力用耳。此體、相、用三，原是一法。具此三義，故曰寂照不二。真即是理性，俗即是事修。此理性本具事修之道，此事修方顯理性之德。所謂全性起修，全修在性也。故曰：真俗圓融也。」

○當知光壽名號，皆本眾生建立。以生佛平等，能令持名者，光明壽命同佛無異也。

※彌陀光壽名號，本於豎窮橫遍稱性之體，亦即本於眾生現前一念心性而建立也。

○復次由無量光義。故眾生極樂，即生十方。：能自度，即普利一切。

※此明以持佛名號為因，而感橫遍十方之無量光。故見彌陀，即見十方諸佛也。極樂即華藏世界，華藏不隔極樂淨土。

※自度謂斷自性之煩惱，度自性之眾生。十方一切眾生，與我本來同體。故能自度，即是普利一切也。

○由無量壽義，故極樂人民，即是一生補處。皆定此生成佛，不至異生。

※能持之即是以無量壽為因，生於極樂，便能圓證三不退，至一生補處，而成妙覺佛果，故曰：「皆定此生成佛」也。「不至異生」者，顯極樂眾生，咸證無始終不生滅之體，個個即生成佛，決不再至異處，或異道受生而後成佛。

○當知離卻現前一念無量光壽之心，何處有阿彌陀佛名號：徹證現前一念無量光壽之心。

※「當知」是誠詞，意顯不可心外取法，法外取心。應知即心是光壽，光壽即是心。此會歸心要，不可不知，故曰：「當知」。

※是知淨土法門，實乃明一念理事，固不可執事廢理，說心外別有彌陀光壽。亦不可執理廢事，偏說自心就是彌陀，此性即是淨土，不肯念佛，不求極樂，致遭落空之禍。

○又法身因修德顯，亦可論成論劫。報身別無新得，應身如月印川，亦無成不成，不應論劫。

※法身雖本理具，要藉般若解脫二種修德，方能顯發。故約修德，亦可論成論劫矣。

※報身修成，實證本有，故亦無成無不成也。應身如月印川者，法報為本體，如天上之真月。應身是化跡，如千江之月影。若無天上之月，安有水中之月。應身雖有八相成道，而全用即體。體無修證，故亦無成無不成也。既三身俱不可思議，均無成不成，皆不應論劫。

○但諸佛成道，各有本跡，本地並不可測。且約極樂示成之跡而言：非成非不成而論成也。

※本：最初成等正覺為本。跡：令生應化事跡為跡。如《法華經》·如來壽量品指出釋迦自謂，塵點劫前，早已成佛，此本也。出釋氏宮，去伽耶城不遠，坐於道場，此跡也。

彌勒是補處菩薩，尚不能測。一佛如是，佛佛皆然，故曰：本地並不可測。

※今彌陀成佛十劫，且約示現極樂化跡而言，非指本地也。本地當然不可測量，即是下融會三身。謂彌陀雖於世自在王佛授記，今於極樂成佛十劫，俱是應佛化身。雖言示生化

身，亦即法報。故應佛成道，即是法報成道。一成一切成，亦即非成非不成而論成。

○又舍利弗，彼佛有無量無邊聲聞弟子，皆阿羅漢，非是算數之所能知，諸菩薩眾亦復如是。

※主必有伴，彌陀願力廣大，普攝群機，故有無量無邊諸聲聞、菩薩眾弟子。

○他方定性二乘，不得生彼，：總屬別圓二教所攝機矣。

※定性二乘：謂聲聞緣覺已證無漏，已斷見思，決定趣向無餘涅槃，沉空滯寂。無大乘積極之觀念，乏出假菩提之妙行。坐守化城，不願成佛。飲三昧酒，墮無為坑。決定住於二乘種性，故為定性二乘也。 以下糅合《彌陀圓中鈔》云：

※聲聞通兩教二乘者：藏教析色觀空，通教體色觀空之機也。菩薩通四教者：藏教事六度，通教理六度，別教恆沙法門，圓教無作妙行之機也。此皆約此土求生之人，具四教機，生於彼土。各順本習，而為大為小，為偏為圓；睹四教之佛，聞四教之法。或權證小果，或實證大乘；非久之間，皆入圓位。故其正意，的在圓教。如萬流歸海，同一鹹味也。

○佛及聲聞菩薩，並是彌陀因中願行所成，：自他不二，故云成就如是功德莊嚴。

○果上一成一切成：※《楞嚴經》卷一云：「諸法所生，唯心所現。」

○是則佛菩薩聲聞，各各非自非他，自他不二：以下糅合江味農居士《金剛經講義》

※《金剛經》云：「佛說般若波羅蜜，即非般若波羅蜜，是名般若波羅蜜。」

※即非：皆明不可執有也。不可執有者，是令會歸性體也。何以故？性本無相，如太虛空故。凡曰：是名：乃示不可執無也。不可執無者，是令雖會歸於性，而亦不壞假有之名相也。何以故？性本無相而無不相故。相即性體之用，有體必有用故。如太虛空體，固空空如也，而萬象森羅，一切依正果報之相，皆由其中現出。

※《金剛經》云：「如來說一切諸相，即是非相；又說一切眾生，即非眾生。」

「離一切諸相，則名諸佛。」

※諸相非諸相，眾生非眾生，此與前說我相即是非相等，語義正同。今之說此，是令行

菩薩道者，應知一切諸相、一切眾生，當其有時，便是空時。所謂有即是空，空即是有。應如是空有二邊俱離，乃能利益一切眾生也。性本空有同時，而一切諸相，一切眾生，皆不離此同體之性，皆是同體之性所現，故莫不有即是空，空即是有也。

○非自非他，自他不二。（非：離也，不住也，不執著也。）

※《圓覺經》·普賢菩薩章云：「善男子！一切菩薩，及末世眾生，應當遠離一切幻化虛

妄境界，由堅執持遠離心故。心如幻者，亦復遠離；遠離為幻，亦復遠離；離遠離幻，亦復遠離；得無所離，即除諸幻。」

- 一、離境：應當遠離一切幻化虛妄境界。
- 二、離心：由堅執持遠離心故。心如幻者，亦復遠離；
- 三、遣離：遠離為幻，亦復遠離；
- 四、遣遣：離遠離幻，亦復遠離；得無所離，即除諸幻。